

中國方志叢書·華中地方·第四九八號


據

明·王懋德等修，陸鳳儀等編  
明萬曆六年刊本

影印

浙江省

# 金華府志



成文出版社有限公司印行



\*10101916\*

中國方志叢書·華中地方·第四九八號

據

明·王懋德等修，陸鳳儀等編  
明萬曆六年刊本

影印

浙江省

# 金華府志



2578/14  
成文出版社有限公司印行



\*10101915\*

中國方志叢書·華中地方·第四九八號

據

明·王懋德等修，陸鳳儀等編  
明萬曆六年刊本

影印

浙江省

# 金華府志

(三)

成文出版社有限公司印行



\*10101914\*

中國方志叢書·華中地方·第四九八號

據

明·王懋德等修，陸鳳儀等編  
明萬曆六年刊本

影印

浙江省

# 金華府志

(四)

成文出版社有限公司印行



\*10101913\*

85-4-86

中國方志叢書·華中地方·第四九八號

據

明·王懋德等修，陸鳳儀等編  
明萬曆六年刊本

影印

浙江省

# 金華府志

(五)

成文出版社有限公司印行



\*10101912\*

中華民國七十二年三月臺一版

# 金華府志

共五冊

發行人：黃

成

助

出版者：

成文出版社有限公司

台北郵政信箱二二六〇五號

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：

上林彩色印刷有限公司

台北市大理街145號

新聞局出版登記證：局版台業字第二四三號

金華府志序

聖朝改前元婺州路為金華府統  
之美人物之盛風俗之善為浙  
志修於宋元間歲久板刻殘毀志無全書識  
者憾焉武昌周君宗智由名進士歷春官郎  
中奉

命來知府事三載政通人和百廢具舉聞搜訪  
舊志於散逸中僅得三之一喟然歎曰金華

素踴文獻足徵以有郡志而志之缺畧乃爾  
受一郡之寄者安可諉其責於他人乎於是  
遍稽載籍詢諸故老叅以見聞重加纂輯缺  
者補之訛者正之新者續之紀述必詳去取  
必當政務稍暇筆不停書而復校訂於同知  
洛陽李珣通判柳江丁瑤卷分類別纂然成  
編擬鏤諸梓以垂永久特介庠生朱鉞來徵  
予序惟金華在禹貢為揚州之域在秦為會

郡地至三國吳始分會稽置東陽郡梁武  
改金華郡自是或稱金華或稱東陽或稱婺  
州名以時易地無異同而郡之所為望於東  
南者以有文獻存焉是故道為出治之本如  
呂成公何王金許四先生著書立言羽翼聖  
經其道足以扶世教正人心此萬世之功也  
文為載道之器如黃文獻公縉卿宋潛溪先  
生景濂學貫古今職司

帝制其文足以黼黻大猷藻飾鴻業此天下之  
功也又如顏氏子孝感烏傷至於名邑宗忠  
簡誓殲讐虜有光中興他如累世同居之義  
門倉卒舍生之貞婦大書特書不一而足是  
皆可以明彝倫敦教化山川為之出色風俗  
因而歸厚志之所繫豈小補哉殆見是書一  
出邦人快覩孝弟之心自生忘義之風益著  
正道昭明邪說頓息守之功偉矣文獻足徵

於斯為盛雖然士貴學術守蓋深於學者凡  
所舉措皆達大體愜人心如此類者多矣予  
故序以後之

成化十六年歲次庚子夏六月之吉

賜進士及第榮祿大夫少保吏部尚書兼  
謹身殿大學士

國史總裁知

制誥致仕淳安商輅序



金華府續志例義

一周官外史掌四方之志後世因之有郡邑志志具  
史之一體要以掌紀時事用垂法戒婺志兼總八  
邑上下千百年事難悉載如志邑例然視一統志  
浙通志則已詳矣

一吾婺宋洪遵有東陽志元贍思有東陽續志迨我  
朝成化間郡守周公宗智始撰金華府志二十卷尚多  
闕畧歷弘治至今百年文獻未入紀載今志補其

遺正其訛續其所未備

一志中列款有前志所已載者若建置城池風俗貢賦之類悉仍其舊有前志所無而不可缺者若田土軍政封蔭古蹟遺事之類則增益之又有分類涉煩若壇壝祠廟之類則併入祀典其他更定亦有詳畧不同

一風俗媿惡皆書重政化也

一賦稅加派不係舊額者直書之用志變法之因以

俟後人議復其舊焉

一城池山川公署祠宇寺觀前人記述浩瀚選入藝文惟題詠則分註各項之下以便觀覽

一宦蹟不必分循吏廉吏儒吏法吏等類惟直書其蹟而吏治之宜於地方者槩可攷見

一舊府志人物分爲道學孝友忠義政事儒行隱逸等類議者嫌於分析爽實今倣一統志浙通志洪贍二志例總之曰人物叙以年代據事直書雖無

分類而道德功業文章忠孝節義人品具在觀者  
可以尚論其世矣

人物以洪贍東陽二志周公舊府志為主又據今  
郡守王公懋德所采郡縣各學公論并稽兵禮部  
敬鄉錄宋學士浦陽人物記鄭清逸賢達傳章品  
文獻錄應廷育先民傳叅互評品斷自嘉靖以前  
事蹟顯著者為之志其沒而未久者姑闕之以俟  
論定

一官師之賢者衆之爲官蹟志科貢之賢則於人然志詳之然亦有材行可稱載籍未盡者不一書之恐久而湮沒無聞乃據其實蹟附見於官師科貢之下用俾後日之采錄非有實蹟者不書

一志祠廟惟祀典所載間有神靈曾賜勅額爲境內所共祈報者附諸不係祀典者削之

一藝文取其關係郡邑故實有裨于風教者錄之以垂後餘不濫入